

卷之三



國朝文類卷第五

七言古詩

鄧州城樓

元好問

鄧州城下湍水流  
鄧州城隅多古丘  
隆中布衣不復見  
浮雲西北空悠悠  
長鯨駕空海波立  
老鶴叫月蒼烟愁  
自古江山感遊子  
金人誰解賦登樓

吊故宮

杜瑛

月上觚稜椒壁濕  
飢鳥啄碎琅玕石  
劫灰飛盡海揚塵  
廢殿荒臺土花碧  
洛陽書生汴梁客  
一夜春風頭欲白  
尊中賴有酒如泉  
醉倚寒窗破愁寂



巨源相過話舊有感

王磐

中統三年春二月變起青齊帶吳越鯨鯢轉側海  
波翻城郭橫尸野流血我時辛苦賊中來兵塵糝  
糊眼不開妻孥棄捐豺虎口飛蓬飄轉無根蔓天  
寒日暮齊河縣破驛荒涼絕烟爨騎行驛馬鈍如  
蛙官吏散地無處喚與君此地忽相逢行臺郎中  
氣勢雄憫我白頭遭喪亂壯我臨難全孤忠急呼  
驛吏具鞍馬使我厄路還身通明晨相隨濟南去  
出入條侯營鼎中死生契濶不相棄起居飲食常  
相同標山華注日在眼綿歷春草及秋風四壁所  
木桑柘盡灤源飲馬波濤空兗渠腰領膏野草始  
見齊魯收烟烽巨源巨源君且坐我欲高歌君可  
和往事回頭十五年猶想離魂招楚些身逢喪亂  
百憂纏生不成名空老大我依破硯竊息榮君佐  
雄藩世最謀流萍斲聚不吉時且喜相看顏一破  
我衰無力

有懷梁仲經父

楊奐

羨人熒熒在何處海闊天低隔烟霧珊瑚零落芙蓉  
空咫尺相望迷去路翠輦金輿雙鳳凰風吹環佩  
聲琅琅壺觴狼籍事已往一日萬里愁茫茫劉



郎竟是誰家客歲晚霜華林葉赤美人熒熒在何處鴨綠江頭江月白

金太子允恭墨行

劉因

黑龍江頭氣鬱葱武元射龍江水中江聲怒號久不瀉破墨揮灑餘神功天人與竹皆真龍墨竹以來九馬空人間只有墨君堂何曾夢到瓊華宮瑤光樓前月如練倒影自有河山雄金源大定始全盛時以漢文當世宗興陵為父明昌子樂事孰與東宮同文采不隨焦土盡風節直與幽蘭崇百年圖籍有蕭相一代英雄誰蔡公策書紛紛少顏色

空山夜哭遺山翁我亦飄零感白髮哀歌對此吟

雙蓬秋聲瀟瀟來晚風極目海角天無窮見龍江

蘭軒義宗死所汴亡張蔡公以金實錄歸遺山  
賦就公謄錄此軸亦公得于汴之中祕者公之子  
仲仁持以求予  
詩故終篇及之

金太子允恭唐人馬

劉因

道人神駭心所憐天人龍種畫亦然房星流光忽當眼徑欲攬轡秋風前漢家金粟幾蒼烟江都筆勢猶翩翩東丹鐵騎自豪貴風氣惜有遼東偏天人秀發長白山畫圖省識開元年金源馬坊全盛日四十萬匹如秦川天教劫火留此幅玉花浮動



青定錢英靈無復汗石馬悲鳴真似泣金僊只今  
回首望甘泉汾水繁華鴈影邊奇探竟隨轍跡盡  
兀坐宛在驛驕先人間若有穆天子我詩當作祁  
招篇

陳氏莊

劉因

陳氏園林千古封晴樓水閣園春風翠華當年此  
駐蹕太平天子長楊宮浮雲南去繁華歇回首梁  
園亦灰滅淵明亂後獨歸來欲傳龍山想愁絕今  
我獨行尋故基前日家僮白髮垂相看不用吞聲  
哭試賦宗周黍離離陳氏先父之外家也金章宗  
避獵必宿其家淵明謂先

父龍山指  
孟嘉事

渡白溝

劉因

東北天高連海嶼太行蟠蟠如怒虎一聲霜鴈界  
河秋感慨孤懷幾千古只知南北限長江誰割鴻  
溝來此處三關南下望風雲萬里長風見高舉萊  
公灑落近雄才顯德十年亦英主謀臣史臣強解  
事枉著渠頭汗吾鼓十年鐵硯自庸奴五載兒皇  
安足數當時一失榆關路便覺燕雲非我土更從  
晚唐望沙陲自此橫流穿一縷誰知江北杜鵑來  
正見海東青鳥去漁陽搥鼓鳴地中鷓鴣飛滿梁



園樹黃雲白草西樓暮木葉山頭幾風雨只應漠  
漠黃龍府比似愁岡更愁苦天教遺壘說向人凍  
雨頑雲結淒楚古稱幽燕多義烈嗚咽泉聲瀉餘  
怒仰天大笑東風來雲放殘陽指歸渡

宋徽宗賜周準人馬圖

劉因

筆底金鞍有肅爽誰云不博降王長汴梁門外若  
雲屯畫本相看應自賞十載青衣夢故都經營慘  
淡欲何如只除金粟呼風鳥曾見昭陵鐵馬趨

宋理宗書宮扇

劉因

杭州宮扇二好事者得之燕市一畫雪夜泛舟一

畫二色菊理宗題其背有興盡爲期及晚節寒香  
之句諸公賦詩予亦同作

天津月明啼杜鵑梁園春色疑寒烟傷心莫說靖  
康前吳山又到繁華年繁華幾時春已換千秋萬  
古合歡扇銅雀香銷見墨痕秋去秋來幾恩怨一  
聲白鴛更西風冠蓋散爲烟霧空百錢鞵錦天留  
在禍胎要鑿驪山宮當時夢裏金銀闕百子樓前  
無六月瓊枝秀發後庭春珠簾晴捲天門雪棹歌  
一曲白雲秋不覺金人淚暗流乾坤幾度青城月  
扇影無情也解愁五雲回首燕山雪花大如席雪



園樹黃雲白草西樓暮木葉山頭幾風雨只應漢  
漠黃龍府比似愁岡更愁苦天教遺壘說向人凍  
雨頑雲結淒楚古稱幽燕多義烈嗚咽泉聲瀉餘  
怒仰天大笑東風來雲放殘陽指歸渡

宋徽宗賜周準人馬圖

劉因

筆底金鞍有肅爽誰云不博降王長汴梁門外若  
雲屯畫本相看應自賞十載青衣夢故都經營慘  
淡欲何如只除金粟呼風鳥曾見昭陵鐵馬趨

宋理宗書宮扇

劉因

杭州宮扇二好事者得之燕市一畫雪夜泛舟一

畫二色菊理宗題其背有興盡爲期及晚節寒香  
之句諸公賦詩予亦同作

天津月明啼杜鵑梁園春色疑寒烟傷心莫說靖  
康前吳山又到繁華年繁華幾時春已換千秋萬  
古合歡扇銅雀香銷見墨痕秋去秋來幾恩怨一  
聲白馬更西風冠蓋散爲烟霧空百錢鞵錦天留  
在禍胎要鑿驪山宮當時夢裏金銀闕百子樓前  
無六月瓊枝秀發後庭春珠簾晴捲天門雪棹歌  
一曲白雲秋不覺金人淚暗流韓坤幾度青城月  
扇影無情也解愁五雲回首燕山雪花大如席雪



花漫漫水栽栽大風起兮奈何

登金荆軻山

劉因

兩山巉巉捕天色中有萬斛江聲哀人言此地荆  
軻館尚餘廢壘山之隈太子西來函關開誰信生  
兒爲禍胎筆頭斷取江山去已覺全燕如死灰馬  
遷尚俠非史才淵明憤世傷幽懷春秋盜例久不  
舉紫陽老筆生風雷遺臺古樹空崔嵬平蕪落日  
寒烟堆紛紛此世亦良苦今古燕秦經幾回憂來  
徑欲浮蓬萊安得魯連同一盃碣石東頭喚羨門  
六鰲載我三山來

幼安濯足圖

劉因

漢家無復雲臺功生平不識大耳公眼中天意鏡  
中語此身只有扁舟東諸公亦英雄百年能辨山  
陽封歸來老栢號秋風世路悠悠七十翁乾坤故  
物兩足在霜海浮雲空復空無刀可斷華大尉有  
死不爲丕太中丹青白帽凜冰雪高山目送冥飛  
鴻爲問蘇家好兄弟萬古北海誰真龍長公愛文  
舉次公愛幼安蓋氣質各以類云

歸去來圖

淵明豪氣昔未除翱翔八表凌天衢歸來荒徑手



花漫漫水栽栽大風起兮奈何

登金荆軻山

劉因

兩山巉巉捕天色中有萬斛江聲哀人言此地荆  
軻館尚餘廢壘山之隈太子西來函關開誰信生  
兒爲禍胎筆頭斷取江山去已覺全燕如死灰馬  
遷尚俠非史才淵明憤世傷幽懷春秋盜例久不  
舉紫陽老筆生風雷遺臺古樹空崔嵬平蕪落日  
寒烟堆紛紛此世亦良苦今古燕秦經幾回憂來  
徑欲浮蓬萊安得魯連同一盃碣石東頭喚羨門  
六鰲載我三山來

幼安濯足圖

劉因

漢家無復雲臺功生平不識大耳公眼中天意鏡  
中語此身只有扁舟東諸公亦英雄百年能辦山  
陽封歸來老栢號秋風世路悠悠七十翁乾坤故  
物兩足在霜海浮雲空復空無刀可斷華大尉有  
死不爲丕太中丹青白帽凜冰雪高山目送冥飛  
鴻爲問蘇家好兄弟萬古北海誰真龍長公愛文  
舉次公愛幼安蓋氣質各以類云

歸去來圖

淵明豪氣昔未除翱翔八表凌天衢歸來荒徑手



自鋤草中恐皇劉寄奴中年欲與夷皓俱晚節樂地  
歸唐虞平生磊磊一物無停雲懷人早所置有酒  
令龐通沾眼中之人不可呼哀歌撫捲聲嗚嗚

淵明歸來圖

盧摯

留侯晚歲游赤松武侯早歲稱卧龍忘秦扶漢聲  
隆隆淵明初非避俗翁兩侯大節將無同鷹秋持  
書晉甲子辭鋒時露長沙雄玉弘何幸奉吾足督  
郵能祚平生曾門前五柳春濛濛落絮不與江波  
東環堵蕭然吾未窮北窓儘有羲皇風盡圖不盡  
千古意詩成一笑浮雲空

淵明歸來圖

尚野

羲皇上人鄉里兒田園將蕪非所思楚聲雖託絕  
怨對高情千古歸來辭歸來忽復河山移忠憤意  
切語益微白雲遙遙望不極東籬舊菊西山薇夷  
齊奚疑怨耶非况乃貌此遺世姿文行圭璧照方  
冊飄然髮鬢空同時子雲擬聖諸儒譏法言美新  
吾誰欺考亭夫子春秋筆昭然晉莽日星垂

過黃陵廟

李材

黃陵廟前湘水綠天寒漁郎唱巴曲沙棠舟上月



蒼蒼翠蛟白蜃江茫茫似聞清愁五十柱萬里鴻  
飛楓葉暮神鴉翻舞祠門開珠裳玉袖霑萋苔玄  
猿書啼蘿薛影赤鱗夜去芙蓉冷北渚淚痕斑竹  
紋南風哀思蒼梧雲山頭古桂秋露碧山下江流  
豈終極荒涼揭車雜杜蘅靈風自吹煙霧旌輕帆  
晚向芳洲泊聊薦蘋羞奠蘭酌沅有記兮湘有沱  
洞庭木落生層波裴回獨詠騷人歌

金人出塞圖

虞集

海風吹沙如捲濤高爲陁磧深爲壕築壘其上嚴  
周遭名王專居氣振豪肉食饘飲田爲遨八月草

白雲颼颼馬食草實輕骨毛加弦試弓復置橐橐今  
日不樂心怪怪什什伍伍呼其曹銀黃兔鶻明繡  
袍鷓鴣小管隨鳴鞞背孤向虛出北阜海東之鷲  
手不驕錦鞞金鍔紅絨條按習久蓄思一超是時  
晶清天翳絕駕鷲東來雲帖帖去地萬仞天一瞥  
離婁屬望目力竭微如聞音鷲一掣束身直上不  
回折遂使孤飛一片雲頃刻平蕪洒毛血爭誇得  
雋頰足悅旌旗先歸向城闕落日悲風起蕭蕭烟  
塵滿城鼓微咽大酋要王具甘歡三亦欣然沃焦  
熱闕支出迎騎小職琵琶兩姬紅頻頻舞歌迭進



醉燭滅空廬斜轉牀月

董元夏景山口待渡圖

虞集

董元夏山何可得嘉木千章鐵作叢層巒總含雨  
氣潤百谷正受川光溢大牙洲渚善泫泗滄江散  
落碣石開山田何處無耕鑿尋源不得還徘徊柳  
下行人將有適臨流不度心爲惻我楫孔堅舟孔  
安奉子以濟諒非難

送孟脩兄南歸

虞集

老兄五月來作客八年不見頭總白五人兄弟四  
人在每憶中郎淚霑臆我家蜀西忠孝門無田無

宅惟書存兄雖筦庫實父蔭弟竊餘澤承君恩  
章不如仲氏好叔氏最少今亦老士郎十歲未知  
學嗟我胡爲長遠道諸兒讀書俱不多又不力耕  
知奈何憂來唯得二三友看花把酒臨風歌蜀山  
嗟峨歸未得盤盤先隴臨川側碧梧翠竹手自移  
應與青松各千尺南風吹雪河始冰兄歸烏帽何  
累累明年乞身向天子共讀父書歌太平

寄鄉友

馬祖常

河邊老父念我出遠寄京華書一行謂言白髮今  
多少又報南園竹樹荒門前石田荒林熟積子新



生走如鹿莫應官家有俸錢長年作客身如束  
送蘇公赴嶺北行省郎中 王士熙  
居庸關頭亂山積李陵臺西白沙磧畫省郎官貂  
帽側飛雪皚皚馬鞵濕馬蹄雪深遲遲行冷月悽  
雲塞垣明鐵甲無光烽不驚萬營角聲如水清明  
年四月新草生征人賣劍隴頭耕思君遙遙隔高  
城南風城樓來鴈鳴

萬竹亭

范梈

誰能買山種萬竹殘年請老住巴蜀結亭更在竹  
中間四面雲谿寫山麓風敲最覺夜眠清雨洗  
勝

延秋望綠日吟不限三千字日飲定須過百斛  
西仙翁持斧客散馬涼城行新菊為言令弟隱滄  
江如此風流天下獨乃家正在蠶茨野東東琅玕  
繞茅屋方知白眼待時人箕踞科頭自為俗是邦  
子雲劇博雅閉門草玄食漢祿多緣未識此君心  
世事微瑕傷白玉使君自是廊廟具方駕前脩詎  
為辱平生抱負勁直節日暮天寒照空谷始我瞻  
望望不及終我嘆嗟嗟不足乞官倘或從西遊向  
子亭邊祝黃鵠

滋溪書堂

謝端



趙之川溥浸深易恒流坎溪各異出惟滋有溪亦  
是匹或伏或見刁不容不能百里溥是後混混千  
里俱朝宗子囊涉河觀湖江蹕雲蕩日怒擊撞歸  
視子滋嶺之瀧是滋名揚子所始有田有廬水之  
涑有堂三楹庠非侈中經子史堂右左高曾遺子  
以自課子迺善繼志不惰蒐今撫古扶恠竒泓涵  
演迤時為辭副墨往往傳京師贏金青紫世所取  
滋溪有源子有後斯堂斯書可世守

雜言

觀雷溪

劉因

飛狐天下脊老氣盤互回三江瀉天怒合為一水  
東南來此勢不殺令人愁石門喜見西山開未補  
青天裂誰鑿渾沌胎竒聲猛狀萬萬古山根幾許  
猶崔嵬兩山倒傾瀾百丈逢顛崖先聲動毛髮餘  
爽開襟懷初疑萬壑轉奔石意像髮髯坤軸推又  
疑鼓角鳴地中百步未到仍徘徊荒祠下石磴駭  
目何雄哉春風不到太古雪今日乃得胷中雷穿  
石誰能窮窟宅流沫勢欲浮蓬萊平生芥蒂今寒  
灰兩耳到骨無纖埃廊元筆頭天下水石頭之竒  
猶見推乃知茲游亦竒絕快弄素霓噴瓊瑰東崖



一片石坐拂千年苔為招郎山君共捲長鯨盃江  
妃為搗靈鼓催赤鯁躍出銀山堆先生醉來泉灑  
面狂歌一和湍聲哀

游郎山

劉因

昨日山東州馬耳索御凌風嘶今日軍市中不覺  
已落山之西山之面背一無異不待風烟變化神  
已迷危關度雪嶺亂石通荒蹊林間小草不識風  
日自太古我行終日仰美木杪幽禽啼但見雨色  
來雲物颯以凄忽然長嘯得石頂痛快如御駿馬  
蹄萬里來長風五色開晴霓長劍倚天立皎潔瑩

鷓鴣平地拔起不傾側物外想有神物提詩家舊  
品嵩少同畫圖省見巫山低誰令九華名獨與八  
桂齊千態萬狀天不知敢以兩目窮端倪騫騰誰  
避若飛隼側瞰何屈如怒視千年落窮邊烟草寒  
萋萋若非酈亭書生此鄉國物色誰省曾分題酈  
元注水經說郎山形勢最真今乾坤至寶會有待

豈有江山如此不着幽人棲頗聞山中人雲間時  
聞犬與鷄只疑名山別有靈境在不許塵世窮攀  
躋不是先生南游有成約徑欲共把白雲犁九疑  
窺衡湘禹穴探會稽玉井爛賞金芙蓉日觀倒捲



青玻璃風烟回首莫瀟灑南游準擬相招携

岳陽樓

張經

巴陵形勝甲天下郡治西南有樓曰岳陽盡得巴  
陵之勝至元丙戌余以監察御史按臨長沙道出  
巴陵允一往返不暇一登甲午夏備員湖北憲司  
分司于辰始得以酬平昔之志噫湖山如此造物  
者何其靳邪因留數語以識歲月云

洞庭一水七百里烟朝月夕皆經過豈知斜陽萬  
里更有一佳處君山十二盤青螺乾坤有此樓萬  
古高嵯峨憶昨長江咫尺限南北風烟畫本一日

千摩挲今朝快一登恍若驅沉疴生平所羨鑑湖  
請乃今更覺君恩多湘靈也似知我至時令白鳥  
來婆娑鐵笛紫荆曲春草黃陵歌江山一醉謾不  
省悲風落日生白波愛山愛水亦非癡奈此日月  
如飛梭彭蠡銀山推碧海青銅磨武昌雲間嘆黃  
鶴采石天外愁青蛾詩家割據幾今古元氣發泄  
天不訶扁舟歸來月一蕞仙槎已候三山阿吾欲  
乘興觀銀河

題丁氏松澗園

鄧文原

天目之峯凌紫烟下周林壑紆長川清池斗絕涵



倒景神運直目眩鑿先彼美幽貞廬間房曲與辛  
夷荃蒼官手植經幾年靈蚪天矯今參天門前朝  
流暮流水但聞激石瀉瀨鳴濺濺山人養真衡茅  
下有書可讀琴可弦意行清澗曲長嘯松風前山  
月出林高溪花弄春妍仙人欲來夜將半天空鶴  
唳山凜然颺塵大笑狂馳子口誦丹訣傳真玄我  
欲從之結隣屋行疏藥圃謀芝田

我本山人素志丘壑獲歸名山爲願畢矣爰  
以四月十一日離京師是夜抵潞陽慨然賦  
詩遙慰匡廬隱者併以寄金門諸公爲一  
云

李洞

野馬脫羈鞅倏疑天地寬臨風一長鳴風吹散入  
青冥間頗如魯冲連蹈海不復還又如安期生長  
留一鳥令人看江南浩蕩忽如海落日照耀浮雲  
關既不能低眉伏氣摧心顏詭遇特達驚冥壘又  
不能抱書挾策千萬乘調笑日月相迴盤匡廬迢  
迢接仙山仙翁泛若秋雲閒長松之陰引孤鶴望  
我不見空天數采鉛天池津飲淥桃花灣蒼梧倒  
影三湘寒赤城霞氣生微瀾鯨鯢翻空海波赤晚  
色欲上我素歎人間之樂兮誠不足恃何如歸卧











家哭折戟沈沙幾未消

水流花謝兩無情獨上高樓望帝京  
閑憶金明池上路人生看得幾清明

江東行客思悠哉不盡長江滾滾來  
寒食清明都過了鷓鴣飛上越王臺

台州城潤海冥冥人踏金鷲背上行  
獨在異鄉爲異客無花無酒過清明

慈母年高鶴髮垂鄉書無雁到家遲  
初過寒食一百六一日思親十二時

正藉梨花作寒食孟光喚案與眉齊  
越裳翡翠逐消息夜合花前日又西

寒食家家出古城滿川風雨看潮生  
八千里外飄零客起向朱櫻樹下行

一百五日寒食雨風光別我苦吟身  
尚書氣與秋天杳同是天涯流落人

海上乘槎上紫氛清明時節雨紛紛  
虎牙銅柱皆傾倒水盡天南不見雲

遠遊聯句

壬寅冬與伯長同紹興蘇時伯長將赴都 袁哀

海鵬跨雨雲一去扶浩蕩  
宛駒踏北雪絕足追罔象  
宵征車盡脂明發燈在幌  
行邁念悄悄離愁



懷養養東 遠具如接浙過越猶指掌虹網結長思  
鷄鼓促新響補 至不復辭補 駕逸誰能彷彿明堂企  
棟梁武庫頌修 錫材同瑚璉英哀 學媿蓬麻長六  
施朱弦清小薦金壘沆雲間鶴孤唳補 天外鴻橫  
上曉舫斫輕水午店憇平壤追攀瞰烟濤哀 涉塵  
走塵鞅清淮橋補 蟬薄霧裏驕驥風臺牛一鳴補  
日觀雞三唱圍桑沃如蓋宿草亂若緘青帘客沽  
酒東 素鬢漁收網心觀洙泗流眼豁恒岱爽追補  
騎侵雲補 勸耕農植杖俗厚喜豐登氣俠存慨慷  
伊河既東流哀 維斗復北仰誰云風土殊始覺字

甫廣骨聳終超騰神清誰懍悅鈞天夢豈真補 廣  
寒步空想銖衣入閭闔芥粒視北垞千官紫府榮  
九奏彤庭暢擣文剪金炬哀 展宸旒天仗清都踰  
咫尺弱水謾方丈絳旗雲霧開寶曆日月晃仁聲  
披八表補 德意昭羣枉泥檢補 封崇芬饌補 將繼  
瑞氣藹重重泰階瞻兩兩駝峯出天窟哀 裏蹕錫  
中帶鳴珂接補 修彥正笏遠偏黨德人笑采芝逋客  
棄拾據茅茨補 要有方去補 矢來本無嚮湘纍但瓌詞  
越相僅金像補 遺議氣徒憤得計身何往豈如及承  
平相與窮昭明補 君行補 飄飄我帶心悵快輕霜著



德養養表遠具始接浙過越猶指掌虹網結長恩  
羯鼓促新聲補至不復辭補駕逸誰能彷彿明堂企  
棟梁武庫酒修錫材同瑚璉英哀學媿蓬麻長大  
施朱弦清小薦金壺沆雲間鶴孤唳補天外鴻橫  
上曉舫斫輕水午店憇平壤退攀瞰烟濤哀涉塵  
走塵鞅清淮橋蟬薄霧裊驪風臺牛一鳴補  
日觀雞三唱團桑沃如蓋宿草亂若緘青帘客補  
酒哀素鬢漁收網心觀洙泗流眼豁恒盛爽追補  
騎侵雲補勸耕農植杖俗厚喜豐登氣俠存補  
伊河既東流哀維斗復北仰誰云風土殊始覺補

宙廣骨聳終超騰神清誰懍悅釣天夢豈真補廣  
寒步空想鉢衣入閭闔芥粒視北垞千官紫府榮  
九奏彤庭暢擣文剪金炬哀長家族天仗清都踰  
咫尺弱水謾方丈絳旗雲霧開寶曆日月是仁聲  
被八表補德意昭羣枉泥檢樞封崇芬饒補將繼  
瑞氣藹重重泰階瞻兩兩馳峯出天厨哀裏蹕錫  
中蒂鳴珂接修彥正笏遠偏黨德人笑采芝逋客  
棄拾橡茅夜要有方去補矢來本無嚮湘纍但琅詞  
越相僅金像遺譏氣徒憤得計身何往豈如及承  
平相與窮昭明君行之飄飄我滯心悒快輕霜著



裘帽哀憊雪留華林  
歌出萊菔古製却益先  
登匪一獲後至滌孤獎  
城南燈火深補塞北音書  
睚春風漸披拂臘水將  
澆漾詩成愈加險酒盡未  
爲彊雙眸秋水炯主系語春波盪  
經行度崎危交希凋儻  
霸遊棄楚荒遠客憐齊  
愴光陰天壁重希事業  
千金賞行還鴈塔題復  
觀鴻都榜時來戒步窘  
事至勿技癢脂韋本九  
近哀鐵石乃忠讜詞  
林納疵美書田計荒穰  
列仙會儒癯羣公極吏  
與陸生強咿憂陶令終  
骯髒清心百壬避正色  
上帝饗徒爲捧心施莫  
學畫眉敞功也要無心  
造物

有相行行遂初志操持記疇曩補

國朝文類卷第五



國朝文類卷第六

五言律詩

春思

張澄

一春常作客連日苦多風野樹淒迷綠簷花暗澹  
紅愁隨詩卷積囊與酒樽空巢燕如相識頻來草  
舍中

觀物

許衡

萬物備吾身身貧道未貧觀時見物理主敬得天  
真心爽星辰夜情所草木春自憐斷喪後能作太  
平人



趙氏南

許衡

曉起北窗涼  
清談戢羽觴  
入簾花氣重  
落地燕泥香  
夢裏青山好  
吟邊白印長  
秋風載書籍  
相對築茅堂

晚上易臺

劉因

遺臺連廢壘  
落日展遙岑  
海嶺天東北  
燕遼世古今  
每當多感慨  
直欲罷登臨  
莫更留塵跡  
千年不易禁

登武陽

劉因

朝遊樊子館  
晚上武陽城  
潮接滄溟近  
山從碣石生  
斷虹雲淡白  
返照雨踈明  
且莫悲吟發  
樵歌已愴情

雜詩

劉因

堯山唐故國  
淳朴帶遺蹤  
種果收奴力  
開田享素封  
採收多上苑  
景仰近神峯  
夢寐驅黃犢  
巖居一老農

聞昔蜚狐口  
奇兵入擣虛  
人夸九州外  
天道百年餘  
草木皆成斲  
衣冠盡化魚  
遺民心膽破  
諱說戰爭初

冀北高寒境  
英靈海岳全  
斯文若程邵  
家世亦幽



燕祀典今誰舉清經會有傳吾鄉此盛事瞻仰在  
他年

關嶺通山後風謠采路傍地寒人好壽草淺畜宜  
羊用水如奴婢從川貯米糧西風如有約乘興即  
吾鄉

何事招提好山深馬可驅松巢低曠帽竹瀉細通  
厨霜粟千封戶雲屏四畫圖冠巾如用我白蔗是  
規模

巖居訪高道少日在風塵回首話前事低眉厭此  
身江山資寇沙上化荆榛領取天倫重無君愁  
殺人

水繞千山合雲藏數畝荒初尋香有陣漸入翠成  
行豚穿依危石牛蹊帶小塘團茅菴如畫可惜是  
逃亡

過奉先

劉因

閨遠承宋統此志亦雄哉置縣名猶在因山勢已  
摧百年元魏史千古汝南哀華表鶴應有悲風海  
上來

齋居雜言

何榮祖

名教無窮樂真知在暮年中庸萬事畢太極一心



全世事頻觀易人情靜看天興來時有句率爾亦飄然

寄暢純父治中

姚燧

欲聞真息耗無使梓潼來烽火平時報田疇亂後開徒歌王粲賦不直士元才遙憶牛頭寺思親日幾迴

輿病高蓬道中作

姚燧

後軋坤道五年三入蜀十夢九飯秦瘡鬼偏遠客山共笑入無勞問前渡抵覺白頭新

舟達黃溪

姚燧

草木隨寒暑殊方榮悴同葦華兼露白樗葉未霜紅日月雙飛鳥江湖一病翁晚來沙嶼上愁坐獨書空

發舟青神縣

姚燧

青神開百丈江岸轉荒涼薜荔緣松起蒹葭並竹長深披射虎徑毒犯虺蛇鄉何莫非王事牽夫可悅傷

感事

姚燧

致位丞疑地夔龍伯仲間星當朝北斗日已薄西



山取謗因讎惡貪權失巧閑此行雖鐵甲未足比  
慙顏

次韻書事

安熙

野性元孤潔無朋儘自蟠紫荒聞道淺靜久閱人  
多靈鳳寧棲枳冥鴻本避罟南遊有高興何處是  
滄波

病中齋居雜詩

安熙

多病交游少相看動浹長賦詩聊遣興觀化足怡  
神閑字有知己過門無俗人伊誰同此樂願卜許  
東鄰

進詩一首

李孟

十年陪顧問一旦決安危自合成功去應慚見事  
遲長城何自壞孤注莫相疑辟穀求仙者高明百  
世師

岳陽樓待渡

高思恭

楚水凝千里湘雲隔萬層城高秋浦月星雜夜船  
燈旅況天誰管年光鴈可憑殷勤澹山色相送過  
巴陵

泊舟湘岸

李材

長沙今在眼青草舊知名二月風檣疾三湘雪浪



平藤深帝子廟花發定王城莫艤江南岸啼鶻處  
處聲

遊山寺

李材

行行行復止行到白雲間見客意不俗逢僧心便  
閑細泉分別澗小迳入他山擬借禪房榻追遊信  
宿還

送蘇子寧赴嶺北行省郎中

袁桷

貂帽護寒沙冰天閱歲華斷溪駝聽水密雪犬行  
車雲盡難尋鴈春深未識花昔人竒絕處八月解  
乘槎

往歲經游地寒蕪碧燐深雲開山後陣水咽  
吟雪白種房重天青羽檄沉重華新雨露悲喜  
車音

名酒

虞集

名酒不可得幽華誰送來秋霜垂鬢髮夕照在樓  
臺盡日山公醉何年度信迴喚人吹玉笛移席坐  
蒼苔

題秋山圖

虞集

峯迴留深隱天清襲素袍棲身斷人蹟游目送鴻  
毛樹挂栖厓鷲藤懸飲子猿龍眠石澗冷虎撼樹



根牢木客吟時共山樵奕處遭浮雲過水盡孤月  
挾霜高羽使來三島胎仙舞九臯左招玉斧飲右  
攬赤松邀空色收寥廓虛聲起繹騷彈琴遺古散  
載酒棹輕舸遂向圖中見誰能世外逃乘槎幾月  
至一泛九秋濤

送國王朶而只之遼東

虞集

太祖收中夏元臣有武功建邦開土宇為位冠君  
公奕世王章在諸孫相業隆春秋周正月禮樂魯  
新宮鹿幣金遺耐熊侯筭共中河山仍鐵券寶玉  
右珣弓投筆鄒枚秀揚旂芮縮雄寒雲依碣石凍  
雨灑遼東戎器橐藏盡賢書奏納同大夫勞勳御  
惇史采民風

朝廻即事

虞集

宮樹春陰合霓旌拂曙來天光臨闕道雲氣轉蓬  
萊晝漏沉沉鼓晨尊灑灑盃香霏簾底霧樂隱殿  
前雷祥瑞儀曹奏珍淳尚食催舞廷分鷺序效獻  
過龍媒融雪微生草輕風不動埃老人南極至王  
母上方迴玉色何多喜金華得重陪裁詩賀朝雨  
西閣待門開

石田山居

馬祖常



甲子人愁雨河田麥已丹歲凶捐瘠衆天遠禱  
難賈客還沽酒工孫自飽食更憐鰥面黑征戍出  
桑乾

積雨衣裳濕愁人是麥田泥將深沒馬霧欲墮飛  
鳶爨火勞薪盡家居老屋穿墻根雜蛙蚓擬買繫

離船

光山楓製錦潢浦菽飛綿秫熟何論酒魚來不計  
錢卜隣多野老求藥有神仙爲客留羹筍清晨步

石田

四月淮天雨清林蔭碧池筍香隣瓮酒禽響客惚

基田鼓春迎社鄉巫夜賽祠漸知飄泊久自覺

農師

無麥去何極吾憂隴畝空豈能驅盜賊得忍鴛兒  
童荼蓼充腸熟樵蘇救口窮無端縣小吏召役到

疲癯

作客何多意淮南即是家自牽蘿屋小不正葛巾  
斜書嬾眠尤熟詩來酒更賒春天雲嫵媚相對坐

鷗沙

竟日無賓主山房一秃翁竹光浮畫碧花藥颺春  
紅田父分雞桀隣僧與鶴籠時行親杖屨未覺坐



書空

淮南窮僻地先世有林廬  
花曙鳴山鳥芹春躍岸  
魚鼓琴仙度曲鍊杏客  
傳書別蓄如相覓休嗔禮  
法踈

郎中蘇公哀挽

馬祖常

墓門翁仲泣秋草九原深  
身世書盈屋鄉園樹滿  
林故人多執紼令子蚤冠  
簪曾作陽關曲今成薤  
露吟

癸酉除夕

劉汶

此夕何多感明朝過六旬  
乾坤又元統人物少咸

淳酒厭山杯綠梅傷水國  
春燈前曾戲絲回蒼一

沾巾

早春述懷

劉汶

春與年年別窮隨日日  
增眼明貪夜讀事少忘晨  
興倦鳥猶遷木潛魚已陟  
冰栖遲唯故轍無夢到  
飛騰

七言律詩

杏花落後分韻得歸字

元好問

懶髓能醫病頰肥鸞膠無  
那片紅飛殘陽淡淡不  
肯下流水溶溶何處歸  
煮酒青林寒食過明粧  
高



燭賞心違寫生正有徐熙在漢苑招菟果是非

長安感懷

楊奐

此心直欲作東周再到長安已白頭往事無憑空  
擊楫故人何處獨登樓月搖銀海秦陵夜露滴金  
莖漢殿秋落日酒醒雙淚眼幾時清渭向西流

洛陽懷古

楊果

洛陽雲樹鬱崔嵬落日行人首重回山勢忽從平  
野斷河聲偏到故宮哀五噫擬逐梁鴻去六印休  
驚李子來惆悵青槐舊時路年年無數野棠開

南京遇仙樓

劉祁

倚天突兀聳高樓樓上人家白玉鈎落日笙歌迷  
汴水春風燈火似揚州仙人已去名空在豪客同  
來醉未休獨倚朱闌望明月鸞旌依約認重游

戊辰冬赴試西京

王革

慣攀蒼龍曉漏鍾受恩曾入大明宮香浮扇影迎  
初日人逐鞭聲靜曉風轉首俄驚成異世此身雖  
在已衰翁喚回五十年前夢再著麻衣待至公

題劉京叔歸潛堂

薛玄

獨構茅堂養道真滿前俗事罷紛紜磻溪夜釣波  
心月汾曲春耕隴上雲長笑熊羆勞應夢肯教猿



鶴怨移文近來傳得安心法萬壑松風枕上開

秋思

杜瑛

壯心忽忽劇懸旌秋氣能令客子驚白鴈不聞雲外過清霜先向鬢邊生銅駝巷陌周東土金鳳樓臺鄴北城千古繁華俱一夢空餘草木戰風聲

和家弟誠之詩韻

段克己

欲歸誰不遣君歸却恨歸來事事違烽火未休家信少山川良是故人稀黃金入手還能散白雪盈頭不肯飛試問春愁都幾許長江滾滾日暉暉

雨後漫成

段成己

羈思紛紛不易裁晚涼扶病獨登台翩翩幽鳥避人去殷殷輕雷送雨來已拚此身閑裏老且將笑口酒邊開安車待聘非吾事休作姑山隱逸猜

七月望日思親

許衡

思却千思與萬思音容無復見當時草牕夜靜燈前語蔬圃春深膝下嬉將為百年供色養豈期一日變生離太山為礪終磨盡此恨綿綿未易衰

燕城書事

魏璠

山勢回環西北高強燕自古出英豪地連雲朔偏宜馬人襲衣冠盡帶刀塵暗玉樓無鳳宿雲埋金



永似龍韜可憐一片繁華地  
三見春風長綠蒿

送魯齋先生南歸

張揚

袞袞諸公入省闈先生承認  
道南歸道逢時否貧  
何病老得身閑古亦稀  
行色一杯燕市酒春風三  
月故山薇到家已及蠶  
生日布穀催耕隴麥肥

聞家大參南歸

林景熙

濱死孤臣雪滿顛冰擅醫  
盡偶生全衣冠萬里風  
塵老名節千年日月懸  
清唳秋荒遠海鶴古魂  
春冷蜀山鶴歸來親舊  
齒相問禾黍離離夕照邊

挽文丞相

徐世隆

大元不殺文丞相君義臣忠  
兩得之義似漢皇封  
齒印忠於蜀將斫頭時  
乾坤印華夷見海嶺風  
霜草和知只恐史官編不  
盡七夫和淚寫新詩

次范葯莊韻

宋衛

家近西湖六月涼蘭舟桂  
醕菱荷裳海門潮上波  
濤壯天竺風來草木香  
今日悲秋哦楚些它年著  
論辯具亡君才位置聞人  
說且待詩仙七寶牀

過鄉縣西方古故居

劉因

古今大定間人嘗舉進士  
不第遂歸獨居一室置  
琴書其側不妄與人交  
縣令佐公服候門亦以遜



辭謝遣之有田數十畝食其所獲如菽熟惟食菽  
鄉人好事者欲以米易之不聽曰是天所食者不  
可易也監察御史按行郡邑聞其行上之不報其  
爲人蓋亦近於聖學之所謂狷史家之所謂獨行  
者歟先父每舉以律鄉人之貪鄙者故鄉人至今  
能道之古死無後其丘壠已爲樵牧區今過其居  
亦莽焉荆棘中矣不覺感世大夫發潛德而紀先賢  
實後生之責也顧力未能爲姑題詩以紀先父之  
訓云

名姓初聞自過庭山田力人長老窮經鄉間月旦歸

公論者宿風流尚典刑感事重吟鳧繹集懷賢誰

縻聘君亭還家游子悲千種念舊思親淚最青

晚眺

劉因

巖姿濃淡似吾詩雲點青山學鬢絲老樹遺臺秋  
最早斜陽流水鳥偏遲無人能解此時意如我曾  
來前古誰本爲登臨解陶寫豈知搖落更堪悲

易臺

劉因

望中孤鳥入消沉雲帶離愁結暮陰萬國河山有  
燕趙百年風氣尚遼金物華暗與秋光老杯酒不  
隨人意深無限霜松動巖壑天教搖落助清吟



望易京

劉因

亂山西下鬱岩峩，還我燕南避世謠。  
天作高秋何索寞，雲生故壘自飄蕭。  
誰教神器歸羣盜，只見金人泣本朝。  
莫恠風雷有餘怒，田疇英烈未全消。

海南鳥

劉因

越鳥群飛朔漠濱，氣機千古見真純。  
紇干風景今如此，故國園林亦暮春。  
精衛有情銜太華，杜鵑無血到天津。  
聲聲解墮金銅淚，未信吳兒是木人。

朝回再次楊司業韻

吳澂

風吹仙樂下瑤臺，閭闔中間翠輦來。  
雲擁紅光千丈遠，日行黃道九天開。  
百官星拱環金闕，萬壽聲迴進玉盃。  
共覩太平新氣象，四方犴獄長春苔。

代祀南嶽登祝融峯

趙世延

天風吹我躡雲根，一覽群山蟻垤紛。  
瀛海波翻初日上，石壇人語半空聞。  
炎荒作鎮荆吳遠，元氣流形天地分。  
何日束書煨芋室，孤峰絕頂看浮雲。

駕畋柳林隨侍

陳益稷

仙仗平明擁翠華，景陽鐘發海東霞。  
千宮捧日臨春照，萬騎屯雲動曉沙。  
白鷄繡翻山霧薄，黃龍旗拂柳風斜。  
太平氣象民同樂，南北梯航共一家。



題許仲仁詩卷

程鉅夫

殘雪詞林退食時  
小牕開卷鬢如絲  
音傳正始誰同調  
氣逼元和稍自持  
文字不隨前輩盡  
風流却許後人知  
霜清日冷梅花瘦  
獨對爐熏看欲癡

岳陽樓

梁曾

樓前秋水健帆開  
樓上涼風舞袖迴  
萬里舟航通鳥道  
四時雲雨護龍堆  
江山如此不一醉  
歲月幾何能再來  
欲問老髯求鐵笛  
月中吹上紫荆臺

題麻姑壇

郝天挺

路入雲關仙境佳  
瓊田瑤草帶烟霞  
貯經洞古無

道檢養藥爐存心舊砂青鳥不傳金母信  
紫纒烏鵲返玉皇家巖扉不掩春長在  
開盡碧桃千樹花

都門春日

李村

綺陌香塵逐玉珂  
彤樓花暗弄雲和  
光風已轉瀛洲草  
細雨微生太液波  
月榭管絃鳴曙早  
水亭簾幕受寒多  
少年易感傷春思  
喚取青娥對酒歌

禁城秋夕

李村

絳宮星淡海無波  
九陌猶聞動玉珂  
闔闔微雲藏夕漏  
建章明月挂秋河  
此身天地流萍遠  
故國關山落木多  
欲聽鈞天慶夢隔  
紫簫吹盡桂婆娑



題許仲仁詩卷

程鉅夫

殘雪詞林退食時  
小牕開卷鬢如絲  
音傳正始誰同調  
氣逼元和稍自持  
文字不隨前輩盡  
風流却許後人知  
霜清日冷梅花瘦  
獨對爐熏看欲癡

岳陽樓

梁曾

樓前秋水健帆開  
樓上涼風舞袖迴  
萬里舟航通鳥道  
四時雲雨護龍堆  
江山如此不一醉  
歲月幾何能再來  
欲問老髯求鐵笛  
月中吹上紫荆臺

題麻姑壇

郝天挺

路入雲關仙境佳  
瓊田瑤草帶烟霞  
貯經洞古無遺檢  
養藥爐存久舊砂  
青鳥不傳金母信  
紫鸞應返玉皇家  
巖扉不掩春長在  
開盡碧桃千樹花

都門春日

李材

綺陌香塵逐玉珂  
彤樓花暗弄雲和  
光風已轉瀛洲草  
細雨微生太液波  
月榭管絃鳴曙早  
水亭簾幕受寒多  
少年易感傷春思  
喚取青娥對酒歌

禁城秋夕

李材

絳宮星淡海無波  
九陌猶聞動玉珂  
闔闔微雲藏夕霽  
蕭蕭明月挂秋河  
此身天地流萍遠  
故國關山落木多  
欲聽鈞天塵夢隔  
紫簫吹盡桂婆娑



元日賀裴都事朝迴

李材

海上瓊樓接五城，人間歌吹近蓬瀛。  
雲移豹尾旂旌動，日射螭頭劍佩明。  
拜舞盡隨仙仗入，退歸遙認玉珂鳴。  
欣欣百草含春意，得傍東君暖處生。

壽杜侍御

李材

黃閣老臣踵夔峽，法冠蒼佩陪霓旌。  
八龍委蛇捲春雨，一鷲搏控明秋毫。  
華勲玉冊耀天府，雄章銀筆翻雲濤。  
舉觴獻壽碧桃晚，南極正與文星高。

和王御史春詩韻

李材

鶯啼燕語花漸稀，天明海碧涵晴暉。  
洛陽臺榭春

色在山陰衣冠昔人非，夢雲何處讌瑤席。  
舞雪誰家裁紵衣，獨有倚闌無限思。  
迢迢煙草暮鴻飛。

送省郎楊耀卿使雲南

李材

飄飄使節出金閨，郭隗臺前暫解携。  
天入五溪無馬到，地經三峽有猿啼。  
子雲舊里風煙在，太尉家聲日月齊。  
後夜客槎何處望，秋河迢迢碧雲低。

席上賦老松栢圖

李材

仙人解衣盤薄羸，造化滄澹秋毫端。  
枝柯千仞入層漢，筌籟萬壑鳴驚湍。  
中日月不可老，壁上海雨何時乾。  
我來醉用北窓下，夢跨黃鶴六月寒。



元日賀東都新朝迴

李材

海上瓊樓接五城，人間歌吹近蓬瀛。  
雲移豹尾旂旌動，日射螭頭劍佩明。  
拜舞盡隨仙仗入，退歸遙認玉珂鳴。  
欣欣百草含春意，得傍東君暖處生。

壽杜侍御

李材

黃閣老臣踵夔咎，法冠蒼佩陪霓旌。  
八龍委蛇捲春雨，一鷲搏控明秋毫。  
華敷玉冊耀天府，雄章銀筆翻雲濤。  
舉觴獻壽碧桃晚，南極正與文星高。

和王御史春詩韻

李材

鸞啼燕語花漸稀，天明海碧涵晴暉。  
洛陽臺榭春色在山陰，衣冠昔人非。  
夢雲何處讌瑤席，舞雪誰家裁。  
紵衣獨有倚闌無限思，迢迢煙草暮鴻飛。

送省郎楊耀卿使雲南

李材

飄飄使節出金閨，郭隗臺前暫解携。  
天入五溪無馬到，地經三峽有猿啼。  
子雲舊里風煙在，太尉家聲日月齊。  
後夜客槎何處望，秋河迢迢碧雲低。

席上賦老松恠柏圖

李材

仙人解衣盤薄羸，造化慘澹秋毫端。  
枝柯千仞入層漢，筌籟萬壑鳴驚湍。  
參差中日月不可老，壁上海雨何時乾。  
我來醉卧北窓下，夢跨黃鶴天風寒。



次韻荅友是贈

安熙

高山流水趣何深萬古千秋一素琴白石清泉成  
雅志光風霽月負初心伏龍應羨雲生谷獨鶴不  
驚鴉滿林無用楚夫宜搗分商家元自有甘霖

留別都城諸公

李京

蒼龍雙闕鬱岧峣曾侍鸞鸞起早朝控事已隨塵  
滾滾虛名贏得鬢蕭蕭長林豐草空相憶瘴雨蠻  
煙苦見招借問都門門外物爲誰留著最長條

國朝文類卷第六

國朝文類卷第七

七言律詩

聞擣衣

趙孟頫

露下碧梧秋滿天砧聲不斷思綿綿北來風俗猶  
存古南渡衣冠不及前首霜總肥宛駸裘批把曾  
泣漢婦婦人間俯仰成今昔何待他年始惘然

溪上

趙孟頫

溪上東風吹柳花溪頭春水淨無沙白鷗自信無  
機事玄鳥猶知有歲華錦纜牙檣非昨夢鳳笙龍  
管是誰家令人苦憶東陵子擬問園田學種瓜



道場山

趙孟頫

絕頂清秋凌翠煙，登臨應費酒如川。平生能着幾  
兩履，負郭何須二頃田。初日出雲光射地，雙溪入  
湖波接天。升高望遠，我所愛，青壁有路何當緣。

蛾眉亭

趙孟頫

天門日湧大江來，半渚風生萬壑哀。青眼故人携  
酒共，兩眉今日為君開。蒼崖直下蛟龍吼，白浪橫  
空鵝鶴迴。南望青山懷李白，沙頭官渡苦相催。

多景樓

趙孟頫

層巖官閣幾時脩，繞檻長江萬古流。白露已零秋

草綠斜陽雖好，暮雲稠。平南籌策張華得，治內人  
才葛亮優。景物未窮登覽興，角聲孤起瓮城秋。

雨華臺

因至故人劉叔亮墓

趙孟頫

雨華臺上看晴空，萬里風煙入望中。人物車書南  
北混，江山襟帶古今同。昆蟲未螫霜先實，鳳鳥不  
鳴江自東。綠髮劉伶緣醉死，往尋荒冢酌西風。

過岳王墓

趙孟頫

鄂王墳上草離離，秋日荒涼石獸危。南渡君臣輕  
社稷，中原父老望旌旗。英雄已死何嗟及，天下中  
分遂不支。莫向西湖歌此曲，水光山色不勝悲。



錢唐懷古

趙孟頫

東南都會帝王州三月鶯花非舊游故國金人泣  
辭漢當年玉馬去朝周湖山靡靡今猶在江水悠  
悠只自流千古興亡盡如此春風麥秀使人愁

海子即事

趙孟頫

白水青林引興多紅裙翠黛奈愁何底從暮醉兼  
朝醉聊復長歌更短歌輕燕受風迎落絮老魚吹  
浪動新荷餘不溪上扁舟好何日歸休理釣蓑

弁山佑聖宮次孟君復韻

趙孟頫

意行騎馬到林間晴霧都沉遠近山瓊樹著花春

自早翠禽雙語意相關一杯到手先成醉萬事無

心觸處閑猶欠抱琴來託宿靜中規寫水游瀉

城南山堂

趙孟頫

手種青松一萬栽草堂留在翠屏隈推窗綠樹排  
簷入臨水紅桃對鏡開春雉催迎朝日出暝禽啼  
傍夕陽來山妻也有幽棲意數日遲留不肯迴

春日言懷

趙孟頫

點點飛花欲送春萋萋芳草政愁人黃蜂釀蜜經  
營急紫燕銜泥來去勤才似茂陵非晚遇美如曲  
近不長貧久知求富都無益但喜論詩若有神



紀舊游

趙孟頫

二月江南鷺亂飛  
雜花開樹柳依依  
落紅無數迷歌扇  
嫩綠多情好舞衣  
金鴨焚香川上暝  
畫船攜鼓月中歸  
如今寂寞東風裏  
把酒無言對夕暉

東陽八景樓

趙孟頫

山城秋色靜朝暉  
極目登臨未擬歸  
羽士曾聞遼鶴語  
征人又見塞鴻飛  
西流二水玻璃合  
南去千峰紫翠圍  
如此山川良不惡  
休文何事不勝衣

與周景遠田師孟

趙孟頫

與子同客帝王州  
一日不見如三秋  
風高氣肅鴈

聲急天晴日暖  
蛛絲游籬下  
黃花為誰好  
水邊紅樹令人愁  
世間萬事可撥遣  
日日痛飲醉即休

金陵懷古

趙孟頫

銅雀春深漢苑空  
邯鄲月冷照秦宮  
烟花樓閣西風裏  
錦綉湖山落照中  
河水南來非禹迹  
冀方北去有唐風  
溪城秋色催遲暮  
愁對黃雲沒斷鴻

和周待制朝迴詩韻

袁桷

雉尾高張擁玉皇  
彤庭金榜紫明光  
舞階飛絮呈六藝  
欽傳臚轉阿香  
珠帽蕭聲雙窈窕  
翠旌雲影互方洋  
侍臣誰近前階立  
願紀堯年化日長



蛾眉班肅整皇皇恰匝松陰漏午光舞翻當軒催  
進酒表函登陸從傳香六龍捧御雲中日三象輪  
琛嶺外洋欲識兩宮清淨理薰風殿角漏初長

無題次伯庸韻

袁楠

三縷歌殘月滿江玉顏曾憶侍油幢象床雲重恩  
專壹鯨錦波翻賜疊雙春淡政宜擅作幕夜涼深  
恨鮎爲窻浣紗可是無虛匹側足寒溪濺石涼  
翠簾匝匝護朱光千葉宮桃滿院香閣苑有鸞通  
尺素虛橋無鵲寄流黃上林賦罷歸巴蜀興慶詞  
工請夜郎不是月中親度曲世之那解聽霓裳

初期來似石城潮日望晴虹結絲橋却月眉愁歌  
漸遠凌波步近意非遙抽琴有恨迴清角疊袖無  
塵轉綠腰弄玉最憐隨鳳去秋來誰與伴吹簫  
白髮詞臣兩耳垂華腴堆笏陋牛鑿宮城引燭催  
麻日院吏傳更寫新時蟻然化生秋夕賜翠標疊  
勝歲華移低頭欲說唐朝舊願侍虛皇進玉卮

奉題延祐宸翰

鄧文原

欽惟 仁宗上承祖武蒐羅俊彥求治靡寧尤尊  
禮儒臣務敦風化由是治書侍御史臣郭貫擢禮  
部尚書凡在選者六人惟貫進秩有加親灑宸翰



昭示龍光忝備臣僚咸增鼓舞集賢直學士臣鄧  
文原謹拜手稽首而作詩曰

宵旰需賢表薦紳秩宗首選贊華勛官聯天府璇  
璣象帝闡河圖琬琰文曾聽簫韶瞻曉日仰攀弓  
劍泣秋雲小臣作頌稱仁聖湛露承恩未足云

題小粹玉畫鹿

古即不用

鄧文原

禮樂河間雅好需曾陪校獵奉鑿輿晝長靈囿觀  
遊後政暇嘉賓燕集餘映蝶園工人去久騁虞詩  
好化行初宗藩翰墨留玆賞憑仗相如賦子虛

陪高彥敬游南山

鄧文原

不到南山又一年離離秋草映寒泉東林蕭散開  
蓮社西晉風流掉酒船古寺雲烟終日合長松風  
雨半空懸謝公未了登臨興故向禪房借榻眠

郎中蘇公哀挽

志道

鄧文原

塞垣重鎮雪雲堆畫諾人稱僕府才流馬道艱逢  
歲儉涸魚民病得春回陽關猶記歌三疊杜老俄  
成賦八哀夜靜燕臺山月冷祗疑化鶴一歸來

司業禮公哀挽

元禮

貢奎

山立庭紳縱衆觀名高真不愧儒冠文章清廟藏  
珠玉勲業烏臺鎮羽翰譽重朝端知有子貧憐身



昭示龍光忝備臣僚咸增鼓舞集賢直學士臣鄧  
文原謹拜手稽首而作詩曰

宵旰需賢表薦紳秩宗首選贊華勳官聯天府璇  
璣象帝闡河圖琬琰文曾聽簫韶瞻曉日仰攀弓  
劍泣秋雲小臣作頌稱仁聖湛露承恩未足云

參題小驛五畫康

古即不用子

鄧文原

禮樂河間雅好需嘗陪校獵奉鑿輿晝長靈囿觀  
遊後政暇嘉賓燕集餘蛺蝶園工人去久騁虞詩  
好化行初宗藩翰墨留玆賞憑仗相如賦子虛  
陪高彥敬游南山

鄧文

不到南山又一年離離秋草映寒泉東林蕭散開  
蓮社西晉風流棹酒船古寺雲烟終日合長松風  
雨半空懸謝公未了登臨興故向禪房借榻眠

郎中蘇公哀挽

志道

鄧文原

寒垣重鎮雪雲堆畫諾人稱僕府才流馬道艱逢  
歲儉涸魚民病得春回陽關猶記歌三疊杜老俄  
成賦八哀夜靜燕臺山月冷祗疑化鶴一歸來

司業禮公哀挽

元禮

貢奎

山立庭紳縱衆觀名高真不愧儒冠文章清廟藏  
琛玉勲業烏臺鎮羽翰譽重朝端知有子貧憐身



後似無官官年昔舊彫零盡展卷哀辭忍淚看

王內翰多換禪

張養浩

束髮耽經晚益勤平生精力盡斯文先朝十老今  
餘幾當代三王獨數君李賀屢煩韓愈駕羊曇空  
阻謝安墳玉堂寥索入何在落日淇川滿白雲

送袁待制扈從上京

虞集

百色蒼涼映赭袍時巡無乃聖躬勞天連閣道晨  
留輦星散周廬夜屬橐白馬錦韉來窈窕紫駝銀  
麈出蒲葦從官車騎多如雨獨有揚雄賦最高

朝廻和周待制韻

虞集

三十六竿吹鳳皇九重春色綉天光  
旗煖湛露初晞草木香貝葉神師東度領金輿  
象北浮洋小臣職在歌功德拜手陳詩對日長

送朱生南歸

虞集

喜子南歸盱水上經過為問臨川幾家橘柚霜  
垂屋何處蒹葭月滿船應有交游憐遠道試從父  
老談豐年寒機早晚成春服一一平安報日邊

題南野亭

虞集

門外烟塵接帝局坐中春色自幽亭雲橫北極知  
天近日轉東華覺地靈前澗魚游留客釣上林鶯



後似無官百年昔舊彫零盡展卷哀辭忍淚看

王內翰多換禪

張養浩

束髮耽經晚益勤平生精力盡斯文先朝十老今  
餘幾當代三王獨數君李賀屢煩韓愈駕羊曇空  
阻謝安墳玉堂寥索人何在落日淇川滿白雲

送袁待制扈從上京

虞集

日色蒼涼映赭袍時巡無乃聖躬勞天連閣道晨  
留輦星散周廬夜屬橐白馬錦韉來窈窕紫駝銀  
麈出蒲葦從官車騎多如雨獨有揚雄賦最高

朝廻和周待制韻

虞集

三十六竿吹鳳皇九重春色綉天光卿雲微動旌  
旗煖湛露初晞草木香貝葉神師東度領金輿馴  
象北浮洋小臣職在歌功德拜手陳詩對日長

送朱生南歸

虞集

喜子南歸盱水上經過為之問臨川幾家橘柚霜  
垂屋何處蒹葭月滿船應有交游憐遠道試從父  
老談豐年寒機早晚成春服一一平安報日邊

題南野亭

虞集

門外烟塵接帝扃坐中春色自幽亭雲橫北極知  
天近日轉東華覺地靈前澗魚游留客釣上林鸞



轉把杯聽莫誇韋曲花無賴獨擅終南雨後青

歸蜀

虞集

我到成都住五日駟馬橋下春水生過江相送荷  
主意還鄉不留非我情鷓鴣輕筏下溪足鸚鵡小  
窻呼客名賴得郫筒酒易醉夜深衝雨漢州城

自仁壽迴成都

虞集

還鄉思速去鄉遲王事相縻敢後期里父留看題  
壁字山僧打送捨田碑胡桃筇竹南方要盪橋批  
把上國知此日君親俱在望徘徊三顧欲何之

謝周南翁

虞集

使過池陽聞上日好懷浩蕩為君開江干維楫車  
馬集亭上持盃風雨來通夜魚龍聽語竟明年鴛  
鷺憶朝迴九華秋色翠可食為問謫仙安在哉

送李通甫赴湖南行省

虞集

黃鶴樓前江水春江花飛接渡江人日長青瑣文  
書簡雨過滄洲杜若新應共庾公揮扇坐每尋崔  
顥賦詩頻三公舊掾多為相行見迴車載繡首

御溝詩次宋顯夫韻

虞集

御溝雪融三月初鳧鷖鴻鴈總來居蒲桃水綠可  
為酒揚柳條青堪貫魚透迤天河起箕尾濕漾雲



海浮青徐舟前花落傷飛燕隄上風來濕舞裾翠  
輦時留金駮裏錦波不着玉芙蓉臨流宋玉偏能  
賦莫待東都客問予

試院書事

馬祖常

棘闈粉署隔重牆校藝分官屬正郎五夜風簾燒  
蠟燭九天冰樹劑龍香周旋接武尚書履供懷留  
茵御史床臚唱閣門春色暖侍臣應奏慶雲章

題光山縣孔宰幽風亭

馬祖常

光山近在故山西樹燕岡頭稻滿畦隣屋讀書相  
教授社祠醉酒共提携水牛礪角燒餅少野蠶抽

絲喜價低春雨行田無從吏獨騎齋馬畏青泥

送宋顯夫南歸

馬祖常

琵琶溝北識君初藉甚才華二十餘欲賦克園干  
孝邸不因狗監進相如瀟湘路熟逢知己韋杜天  
低望故居携幼歸來拜丘壟南遊莫戀武昌魚

駕發

馬祖常

蒼龍對闕夾天閣秋駕凌晨出國門十萬貔貅騎  
騾裏一雙日月繡旗旛講蒐獵較黃羊圈錫宴恩  
沾白獸尊赫矣漢家人物盛馬卿有賦在文園

送袁德平歸越

王士熙



平湖如鏡靜秋波禹穴西風捲碧蘿狂客有船都  
載酒道人無字不籠鵝床頭簪芴青雲近窻下殘  
編白雪多燕市塵深拂衣去海門何處問漁蓑

送王在中代祀秦蜀山川

王士熙

太華雲連蜀棧低柳花三月紫騮嘶香浮曉露金  
盃濕旒拂春烟絳節齊策牘當年登桂苑詞林後  
夜趣芝泥長安遊客應無數誰共王褒頌碧雞

題郭忠恕九成宮圖

王士熙

鐵馬歸來定太平九成宮殿暑風清龍蟠古洞長  
藏雨鳳入層臺自度笙畫棟塵空巢燕去蒼崖雲

掩路碑橫秦川忽向丹青見魂夢依稀識化城

驪山宮圖

王士熙

翠領含烟曉仗催五家車騎入胡來千峯雲散歌  
樓合十月霜晴浴殿開烽火空臺留草樹荔支長  
路認塵埃月中人去青山在始信昆明有劫灰

題鮮于伯幾與仇廉訪帖

王士熙

三生文采趙公子四海聲名仇便君彈琴不作廣

陵散焚香遙駐博山雲玉署春來鳴鳥漫語繡衣人

去鴈空聞龍蛇兩紙光如玉即是安西與右軍

之語曰趙公子明日欲過寒舍看書畫廉訪相公  
能一來焚香彈琴亦佳趙公子子昂也後亦有跋



帖廉訪字彥中今其子  
公祐御史實藏此帖

寄上都分省僚友

王士熙

天上風清暑盡消尚方仙隊按雲韶  
白鵝海水生鷹獵紅藥山岡詐馬朝  
涼入賜衣飄細葛醉題歌  
扇濕輕綃河堤楊柳休傷別  
八月星槎到鵲橋  
畫省薰風松樹陰合歡花下日沉沉  
腐儒無補漫獨坐故人不來勞寸心  
紫極三台光景接洪鈞萬象  
象歲年深灤江回首九天上  
誰傍香爐聽舜琴

題節婦

王士熙

寒窓機杼泣秋風鏡影鉛雲不汝同  
明月有光生

夜白貞松無夢如春綺羅襦舊繡天  
吳拆綠綺離弦海鶴空陌上行人指  
華表閉門疎雨落梧桐

上京次伯庸學士韻

王士熙

侍臣催講御階西雲靜觚稜曉色低  
天闕神州卑兩漢地連碣石轉三齊  
含香書永閑青瑣視草堂幽濕紫泥  
最憶東山老松樹秋風應有鶴來栖

六都雜詩

宋本

拋却漁竿滄海邊拂衣來看九重天  
畫闌九陌橋如月綠影千門樹似烟  
南國佳人王幼玉中朝才子杜樊川  
紫雲樓上如澠酒孤負春風二十年



繡錯繁華徧九衢上林辭賦漢西都朱門細婢金  
條脫紫禁材官玉鹿盧萬里星辰開上界四朝冠  
蓋翊皇圖東鄰白面生紈綺笑殺揚雄卧一區  
瀘溝曉月墮蒼烟十一門開日色鮮海上神山無  
弱水人間平地有鈞天寶幢珠珞瞿曇寺豪竹哀  
絲璫瑁筵春兩如膏三萬里盡將嵩呼祝堯年  
形勢全燕擁地靈梯航萬國走王城狗屠已仕明  
天子牛相寧知別太平玄武鈎陳騰王氣白麟赤  
鴈入新聲近來朝報多如雨不見河南召賈生

姑蘇臺

劉致

麋鹿應知易代頻吳趨誰唱不堪聞捧心臺暗黎  
花月扶日門深薜荔雲江闕水犀歐冶劍氣騰金  
虎闔廬墳計然已死鴟夷逝寂寞五湖西日曛

綿竹縣治

楊靜

通衢砌石蘚生鱗三兩人家屋宇新嚴子有祠存  
故里魏公無第與比隣傳說共說千年樹問話那  
逢百歲人回首向來佳麗地暮雲斜日紫巖春

燕中懷古

李源道

荆卿墓上草離離郭隗臺邊對落暉戰國山川秋  
氣壯中原豪傑曉星稀乾坤納納無人識南北年



年有鴈飛說似瀘溝橋畔柳安排青眼送將歸

宗陽宮翫月

揚載

老君臺上涼如水坐看冰輪轉二更大地山河微  
有影九天風露寂無聲蛟龍並起承金榜鸞鳳雙  
飛載玉笙不信弱流三萬里此身今夕到蓬瀛

擬去京師

揚載

囊衣橐載道傍車人事匆匆歲欲徂風雨五更雞  
亂叫江湖千里鴈相呼蕪菁散漫振猶美桑柘蕭  
條葉正枯却上高丘重回首五雲繞繞帝王都

貢表諸公修史

揚載

國史有程斯正是諸郎傑直時虎士守門宮  
竊竊人傳箭海遲遲窓間夜雨銷銀燭城上春  
雲歷絲旗才大名稱天下士書成當繼古人為

宿李陵臺

周應極

曠野平蕪入壯懷征鞍小駐李陵臺關河萬里秋  
風晚霜月一天鴻鴈來持節蘇卿真壯士兩邊漢  
武亦奇才千年懷古無窮意且向鄧亭酌酒盃

摩陽懷古

李鳳

堆陽城郭劫灰餘風景蕭條市井疎城接汴梁分  
驛路地連齊魯幾兵車張巡戰壘沙沉戰鬪伯提



封草滿墟珍重開元遺寺在石幢猶刻魯公書

周氏慈雲庵

楊傑斯

韓阿松柏野烟飛丞相文音入鳳池華屋青山春  
掩冉浮雲流水暮逶迤哺鳥時拂散花  
落駟鹿長環宴猶悲唯有慈孫禁垣裏年年南望不勝思

朝文類卷七





目錄卷一



五  
五